

菩薩十住行道品經

西晉三藏法師竺法護第一譯

曇昧摩提菩薩持佛威神便於佛前入是阿難波俞迦三昧悉見十方諸佛十方諸佛者其數如千佛刹塵等一塵者為一佛刹一佛刹如是十方賜面見十方諸佛皆悉言善哉

善哉曇昧摩得菩薩十方諸佛皆賜與智慧悉語曇昧摩提菩薩言是釋迦文佛前出本願所結成功德威神使若益諸經益若佛威神益深入經處悉示諸十方虛空法心無所著悉入無所罣礙中悉入大道中疾近逮佛悉知諸經諸十方人所思想悉學知十方諸

所說經皆悉知用是故悉為諸菩薩等說菩薩十法住悉及得持佛威神悉能說亦時曇昧摩提菩薩所語說無所罣礙無所難也無有盡時無有能昇量者無有極止時無有能還者無有能得長短者未曾有志時無不得明者悉等無異無有懈慢時眾所不能及

卷二

十一

持是三昧力十方諸佛等皆各各伸右手著曇昧摩提菩薩頭上以曇昧摩提菩薩便於三昧中覺使諸菩薩言諸佛子皆聽菩薩舍甚大悉如虛空經處何因菩薩舍甚大過去諸佛悉那中生當來諸佛悉那中生今現在諸佛悉那中生何因菩薩入大道中從何因

緣入是大道中何因正念菩薩有十法住用分別知過去當來今現在佛等所說何等為諸菩薩十住法第一者波藍耆兜波菩薩法住第二者名阿闍浮菩薩法住第三者名俞阿闍菩薩法住第四者名闍摩期菩薩法住第五者名波俞三般菩薩法住第六者名阿耆三般菩薩法住第七者名阿惟越致菩薩法住第八者名鳩摩羅浮童男菩薩法住第九者名俞羅闍菩薩法住第十者名阿惟顏菩薩法住

一何等為波藍耆兜波菩薩法住者上頭見佛端正無比視面色無有厭時無有及逮者

尊貴無有能過者飛無有能過者所教授無有能過者是菩薩見佛威神儀法如是使稍入佛道中轉開導之皆隨其意教度脫見勤苦者皆慰傷稍稍近曉佛語信向之新發起意學佛道悉欲得了佛知十難處悉欲還得知之何等為十難處十種力波藍耆兜波菩

薩教有十事何等為十事一者當供養佛諸菩薩二者隨其所樂當教語三者所生處皆尊貴四者天上天下無有能及者五者佛所有智悉當還得六者波羅蜜世所生處常見無央數佛七者所有深三昧經悉當還得八者死生道無邊幅處以來九者今脫去不久

十者若悉當度脫十方人所以者何益入於佛法中故二何等為阿闍浮菩薩法住者有十意念十方人何等為十意一者悉令世間人善二者淨潔心三者皆安隱心四者柔輭心五者悉愛等六者心念但欲施與人七者心悉當護八者心念人與我身無異九者心

戒二

十二

念十方人我視如師十者心念十方人視如佛阿闍浮菩薩法當多學經既多學經以當獨處止既獨處止當與善師從事既與善師從事當在善師邊既在善師邊當易使既易使當隨時既隨所作爲當勇所作爲既勇當學入慧中既學入慧中以所受法當悉持既

當悉持法當不忘既不忘當安隱處止所以者何益於闍傷十方人故三何等為俞阿闍菩薩法住者入於諸法中用十事何等為十事一者諸所有皆無常二者諸所有皆勤苦三者諸所有皆虛空四者諸所有皆非我所五者諸所有皆無所住六者諸所有皆無利

七者諸所有皆無所止八者諸所有皆無有處九者諸所有皆無所著十者諸所有皆無所有諸法悉入中不復還俞阿闍菩薩教法悉當念於十方人念於十方人已悉當念法處念法處已悉當念諸佛刹念諸佛刹已悉當念地法念地法已悉當念水法念水法已

悉當念火法念火法已悉當念風法念風法  
 已悉當念欲法念欲法已悉當念色法念色  
 法已當念無有欲色法處念無所欲色法處  
 已心無所貪所以者何用是故悉得法明四  
 何等為闍摩期菩薩法住者常念於佛處生  
 有十事何等為十事一者不復還二者多深  
 或二  
 十三

慈於佛三者深思惟法四者皆視十方人五  
 者思惟十方了無所有六者十方佛刹皆虛  
 空七者宿命所作了無所有八者諸所有皆  
 虛空譬如作幻耳九者諸所有勤苦無所有  
 十者泥洹虛空無所有用是故生於佛法中  
 是為闍摩期菩薩教法過去諸佛虛空無所  
 有當來諸佛虛空無所有今現在諸佛虛空  
 無所有過去諸佛法無所有當來諸佛法無  
 所有今現在諸佛法無所有過去諸佛法念  
 從何所出生索了無所有當來諸佛法念從  
 何所出生索了無所有今現在諸佛法念從  
 何所生索了無所有諸佛法等悉了無所有

所以者何是三世法等皆了無所有五何等  
 為波俞三般菩薩法住者所作功德悉度十  
 方人有十事何等為十事一者悉護十方人  
 二者悉念十方人善三者悉念十方人命安  
 隱四者悉愛十方人五者悉哀十方人六者  
 悉救十方人莫使作惡七者悉引十方人著

菩薩道中八者悉清淨於十方人九者悉度  
 十方人十者悉脫十方人令般泥洹不可復  
 計十方人不可復數十方人不可復議十方  
 人不可復稱十方人不可復量十方人了不  
 可議說十方人何等為十方人者都虛十方  
 人皆虛空人皆非我所人皆無所有人皆所  
 有皆無他奇所以者何心無所著故六何等  
 為阿耨三般菩薩法住者有十法深慈心哀  
 何等為十法一者用說佛善惡無有異二者  
 說法善說法惡心無有異三者說菩薩善說  
 菩薩惡心無有異四者求菩薩道人共相道  
 善惡心無有異五者中有人言十方人多十

方人少心無有異六者都十方人轉相道善惡心無有異七者中有人說言十方人易脫難脫心無有異八者說法多說法少心無有異九者說法壞說法不壞心無有異十者有法處無法處心無有異是菩薩當學是諸法無有處復有十事何等為十事一者諸法無

十二

十四

有處二者諸法不可得見處三者學諸法譬如化作四者諸法皆虛空五者諸法若干種虛空六者諸法無有罣礙底虛空處七者諸法譬若幻所化八者諸法譬若夢中所有九者諸法不可計十者諸法無所有不可得現所以者何益深入佛法中無有能勝者七阿惟越致菩薩者何等法住菩薩聞十事堅住何等為十事一者有佛無佛不動還二者言有法無法不動還三者有菩薩無菩薩不動還四者有求菩薩道者無有求菩薩道者不動還五者持是法得持是法不得不動還六者有諸過去佛無諸過去佛不動還七者有諸

當來佛無諸當來佛不動還八者有諸現在佛無諸現在佛不動還九者佛智盡佛智慧不盡不動還十者過去世事當來世事今現在世事呼若干種呼一種心終不復動還是菩薩當教令學此十事何等為十一者句一慧入若干慧二者持若干慧入一慧二者

一慧入若干事四者從若干事入一慧五者持十方人入虛空六者持虛空皆入十方人七者持思想入不動搖八者持不動搖入思想中九者持虛空入想中十者持想入虛空中所以者何諸功德法悉入中用是故不復動八鳩摩羅浮童男菩薩者為何等法住菩薩於十事中住何等十一者身所行口所言心所念悉淨潔二者無有能得長短者三者心一返念在欲生何所四者十方人知誰慈心者五者十方人所信用悉知六者十方人若干種悉知十者十方人所作為悉知八者諸利土成敗悉知九者神足念飛在在所到

十二

十五

十者諸法清淨學是菩薩當復學十事何等  
 為十事一者當學知諸佛刹二者當學感動  
 諸佛刹三者當學自在所作威神四者當學  
 現諸佛刹五者當學從一佛刹復至一佛刹  
 六者當學往到無央數佛刹七者當學知無  
 央數法在所問八者當學變化譬如幻自在  
 所作九者當學佛音聲響十者當學一返念  
 供養無央數佛所即悉遍至到所以者何入  
 於一法中多所遺九俞阿羅闍菩薩者何等  
 法住菩薩用十事得何等為十事一者諸十  
 方人所出生悉知二者十方人所繫恩愛悉  
 知三者十方人所念本末所從來悉知四者  
 十方人所作為宿命善惡所趣向悉知五者  
 若干種諸法悉知六者十方人所念若干種  
 變化悉知七者諸佛刹壞敗善惡悉知八者  
 過去當來今現在無央數世事悉知九者十  
 方人等不等悉知十者教授十方人說虛空  
 法悉知是菩薩復有十事當學知何等為十

處一者佛法宮二者造佛法宮當學三者佛  
 宮中所有當學四者佛宮中所教勅當學五  
 者佛所出入宮當學六者法官當學七者法  
 三宮當學八者法所教勅當學九者業行法  
 王當學十者更造作法中三所教勅當承用  
 學所以者何何心稍稍入佛大道中所聞法  
 自用教十阿惟顏菩薩者為何法住菩薩入  
 於十智中悉分別知何等為十智中一者當  
 何因感動無央數佛刹二者當明無央數佛  
 刹中三者我日日當置無央數佛刹中四者  
 我日日當度無央數佛刹中五者我當安隱  
 無央數佛中六者十方人無央數皆聞我聲  
 七者悉度十方人民八者十方人所思想善  
 惡我悉當知九者十方人我悉當內佛道中  
 十者十方人我悉當度脫俞羅闍菩薩不能  
 及知阿惟顏身所行口所言心所念所作為  
 了不能及知阿惟顏菩薩事不能及知神足念  
 不能知飛亦不能還知阿惟顏菩薩過去當

我二

十六

來今現在事亦不能還知所念佛利亦不能還知心所念所行為智慧用十事俞羅闍菩薩不能還知阿惟顏菩薩所行事是阿惟顏菩薩還入佛十智中何等為十智中一者過去當來今現在無端底從佛學二者諸佛法悉具足從佛學三者諸法處無所罣礙從佛

學四者諸法處無邊幅無涯底從佛學五者諸所有利二我悉當護持是功德威神從佛學六者不可復計利土處無邊幅承當明知從佛學七者十方無央數佛利悉當安隱從佛學八者十方人所行為悉當從佛學九者諸法智慧悉入中從佛學十者佛所有智慧

悉當知從佛學所以者何悉具足知皆曉了佛智慧都無所復從誰學是為阿惟顏以十法菩薩行道如是

佛言善哉善哉佛子所說菩薩事大衆貴乃如是佛放光明徹照十方無央數佛利無涯底處極過出於虛空中去極大明十方諸佛

我二

十七

無央數佛利皆各各六返震動是時諸菩薩皆大歡喜悉散華於佛上

菩薩十住道行品經

第二區道真所譯者闍本

佛說菩薩十住經

東晉西域三藏比丘曇摩第三譯

佛說菩薩戒十二時竟文殊師利白佛言菩薩用何功德得是十住惟願天中天分別說之佛言善哉善哉文殊師利菩薩摩訶薩多所憂念多所安隱吾當為汝具說其要諦聽諦受文殊師利言受教

佛言有十住菩薩功德各有高下自有次第

文殊師利言何等為十一住波能質光波菩薩法住佛主上頭見佛端正無比視面色無有厭無有速者尊貴無有能過者所教授無有能踰者見佛威神儀法如是便稍稍入佛道中轉開導之皆隨其意教度脫之見勤苦皆愍傷之稍稍解曉佛語信向之新發起意